



Broj: 01-01-2709/24  
Sarajevo, 18.09.2024.godine

Na osnovu člana 70. stav (1), (3) i (6), člana 64. stav (1) tačka b) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 14. stav (2) Pravilnika o javnim nabavkama roba, usluga i radova Javne ustanove „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2022. godine i broj: 09/1-2461-UO/23 od 20.09.2023. godine, a na osnovu Preporuke Komisije za nabavku laptopa LOT 2, broj: 2686-2/24 od 16.09.2024.godine u postupku nabavke - Nabavka računarske opreme (laptopi, tableti, računari, monitori, UPS-ovi, routeri, štampači, printeri...) za potrebe Javne ustanove „Služba za zapošljavanje Kantona Sarajevo“ Sarajevo, direktorica *donosi*

## **ODLUKU** **o izboru najpovoljnijeg ponuđača**

### **Član 1.**

Prihvata se Preporuka Komisije za nabavku laptopa LOT 2, broj: 2686-2/24 od 16.09.2024.godine i ugovor o nabavci i isporuci laptopa - LOT 2, za potrebe Javne ustanove „Služba za zapošljavanje Kantona Sarajevo“ Sarajevo, dodjeljuje se ponuđaču PR Media Market Prijedor, Ponuda broj: 58/24 od 30.08.2024.godine, za ponudenu cijenu u iznosu od 1.550,00 KM bez PDV-a, kao najbolje ocijenjenom ponuđaču.

### **Član 2.**

Po konačnosti ove Odluke, prijedlog ugovora kojim će se regulisati međusobna prava i obaveze, dostavit će se na potpis izabranom ponuđaču PR Media Market Prijedor, uz obavezu da dostavi dokaze o ispunjavanju uslova za kvalifikaciju i to na način, formi i roku kako je iskazano sadržajem Tenderske dokumentacije, ukoliko iste nije dostavio uz ponudu.

### **Član 3.**

Ova Odluka objavit će se na web stranici JU „Služba za zapošljavanje Kantona Sarajevo“ Sarajevo, [www.szks.ba](http://www.szks.ba), istovremeno s upućivanjem iste ponuđačima koji su učestvovali u postupku predmetne nabavke, shodno članu 70. stav (6) Zakona o javnim nabavkama.

### **Član 4.**

Zapisnik o ocjeni ponuda broj: 2669/24 od 05.09.2024. godine, čini prilog ove Odluke i njen je sastavni dio.

### **Član 5.**

Ova Odluka stupa na snagu danom donošenja.

## **Obrazloženje**

Odlukom o pokretanju postupka javne nabavke robe – Nabavka računarske opreme (laptopi, tableti, računari, monitori, UPS-ovi, routeri, štampači, printeri...), za potrebe Javne ustanove „Služba za zapošljavanje Kantona Sarajevo“ Sarajevo broj: 01-01-34-2375/24 od 18.07.2024. godine, pokrenut je predmetni postupak javne nabavke.

Predmetna nabavka provedena je putem otvorenog postupka.

Procijenjena vrijednost predmetne nabavke za dva lota bez uračunatog PDV-a, iznosi 80.000,00KM.

Procijenjena vrijednost nabavke za LOT 2 Nabavka laptopa, bez uračunatog PDV-a, iznosi 2.000,00 KM.

Slijedom navedene Odluke, dana 29.07.2024. godine, Obavještenje o nabavci broj: 774-1-1-43-3-22/24, poslato je na objavu putem Portala javnih nabavki, zajedno sa Tenderskom dokumentacijom broj: 2443/24 od 29.07.2024. godine, te Ispravka za obavještenje o nabavci broj: 774-1-1-43-8-26/24 dana 23.08.2024. godine.

Po isteku roka predviđenog za dostavljanje ponuda, Komisija za javnu nabavku imenovana Rješenjem broj: 01-01-34-2523/24 od 19.08.2024. godine, pristupila je pregledu i analizi pristiglih ponuda, te nakon što je utvrđena blagovremenost i urednost dostave, konstatovala da je u predmetnom postupku za LOT 2 Nabavka laptopa, zaprimljeno 3 (tri) ponude, i to na način kako slijedi:

1. Univerzalno d.o.o. Sarajevo, broj protokola: 09/3-025/24JN od 04.09.2024. godine;
2. PR Media Market Prijedor, broj protokola: 09/3-027/24JN od 05.09.2024. godine;
3. Digitarija d.o.o. Sarajevo, broj protokola: 09/3-028-1/24JN od 05.09.2024. godine.

Istom prilikom ističući da neblagovremeno pristiglih ponuda nije bilo, o čemu je sačinila odgovarajuće Zapisnike.

U postupku pregleda, ocjene i analize pristiglih ponuda, Komisija je u Zapisniku o pregledu i ocjeni ponuda broj: 2669/24 od 05.09.2024. godine, konstatovala da su ponude svih ponuđača prednje navedenih prihvatljive, uzimajući u obzir kvalifikacijske uslove tražene sadržajem Tenderske dokumentacije, koje isti ispunjavaju u potpunosti. Nadalje vrednovanjem prihvatljivih ponuda shodno utvrđenom kriteriju za dodjelu ugovora (najniža cijena prihvatljive ponude), a kao rezultat okončane E-aukcije, analitički prikaz u nastavku:

	Naziv / ime ponuđača	Ponuđena cijena u KM (bez PDV-a)
1	PR Media Market Prijedor	1.550,00 KM
2	Univerzalno d.o.o. Sarajevo	1.579,99 KM
3	Digitarija d.o.o. Sarajevo	2.000,00 KM

Komisija sačinjava Preporuku broj: 2686-2/24 od 16.09.2024.godine.

U postupku donošenja ove Odluke, ugovorni organ cijeni da je Komisija pravilno i potpuno izvršila ocjenu prispjelih ponuda, te ocjenu kvalifikovanosti ponuđača, s obzirom na iskazane zahtjeve i uslove utvrđene okvirom sadržaja Tenderske dokumentacije, a u skladu sa dosljednom primjenom Zakona o javnim nabavkama, pripadajućim podzakonskim i internim aktima.

Slijedom prednje iznesenog, temeljem člana 64. stav (1) tačka b) Zakona o javnim nabavkama („Službeni glasnik BiH“, broj: 39/14, 59/22 i 50/24), a u skladu sa Preporukom Komisije broj: 2686-2/24 od 16.09.2024.godine, odlučeno je kao u članu 1. Ove Odluke.

**Pouka o pravnom lijeku:**

Protiv ove Odluke može se izjaviti žalba u roku od 10 (deset) dana, od dana prijema iste, Uredu za razmatranje žalbi, putem ovog Ugovornog organa, a u skladu sa članom 99. i 101. Zakona o javnim nabavkama.

**Prilog:**

- Zapisnik o ocjeni ponuda broj: 26669/24 od 05.09.2024. godine.



**Dostaviti:**

- Svim učesnicima u postupku,
- Jedinici za nabavke,
- Evidencija,
- A/a.

